

鉞水齋詩集

四



集詩齋水鉞

(四)

著 位 舒

餅水齋詩集卷十一

昭陽大淵獻

讀天台志要新刻見宋左彞助教二詩余與助教久不相聞誦詩如覲題後一首竝寄

我昨夢入天台山。山花山鳥非人間。夢中懷人私自語。恨不與君同往還。雄雞一聲了夢事。不見天台山。但見天台志。寸寸濃皺羣玉圖。行行密寫珍珠字。中有瀑布灑石梁。一縱一橫勢莫當。要得奇詩掃奇境。況是青天挂瑤鏡。再過拍手厓。何處仙人賣酒家。瓊臺百尺飛酒花。勝於粒粒餐丹砂。不知君今何以設。此想老我胸中四萬八千丈。我夢旣非假。君詩亦的眞。可惜當時入山去。但有阮肇無劉晨。與君一別凡幾春。思君一見當幾旬。十年各喫胡麻飯。定有桃花笑殺人。

汪十一自號翠亭錢几山取以爲圖屬題一詩

種樹今無恙。誅茆最有情。兩家思舊賦。一卷讀書聲。標格逢人說。文章以字行。畫師工遠勢。蒼翠自然生。浙東漁者於海畔網得大龜重六百斤。杭州破迷禪師進香普陀以一萬錢贖歸。集僧衆昇龜上招寶山絕頂。浮巨舶面海放之。龜迴波頻首者三而逝。

龜之藏於海者不知壽凡幾。海不知幾萬里。海水不乾龜不起。皇天鑒此久沈淪。漁父絡龜出海底。龜出

海底龜有神。龜來自何處。龜重六百斤。或言七百不等云。一顧蠹蠹空。龜羣碧落黃泉春。一笏翻身跳出蛟龍窟。雨不作朱鼈浮。晴不作白鷗沒。魚上青松象渡河。爾何不銜走泥牛。月使爲一目。羅則不如千絲網。載龜一船。蓮華十丈。鼙鼓送行。小海唱。蛟人淚。祖珍珠帳。人生何處不相逢。龜見漁而擒。僧見龜而放。僧來南海風。馬牛佛香一瓣飄中流。忽來眼睛鼻孔大於斗。攫成金網無時無。踏破鐵鞵有時有。河圖洛書天不守。一萬錢六萬字。龜六百斤拜其賜。字字摩挲有生意。險把鯨鯢京觀封。焉知鵝蚌漁翁利。擒龍容易縱虎難。吾惟見蒼蒼之海山。擡龜上山璞可完。掀龜入水珠可還。梵音海潮音。山鬼泣露紅斑斑。斧柯可爛。牀腳不可徙。一物不容海所恥。一錢不直才所使。一字不識衆所指。破迷不識字。讀破相貝經。幾爲勸學死。鑿開混沌竅。留取報恩子。搖頭擺尾無人吞。俯者靈。仰者謝。三足爲之貴。甯爲巨鼈戴蓬山。生不顧河鯉登龍門。三面之海一面網。水到成渠。葉落歸根。君不見來處來。從去處去。我歌有句如無句。來者疇有緣。去者疇有權。來時一去時。十有二萬年。法師耳鳴聲聞於天。新豐美酒斗十千。脫下袈裟當酒錢。刀鋸無恙春無邊。

春寒

今年瓦雪溜簷冰。春在諸天第幾層。聞道菜花先怕凍。思量減我讀書燈。

題昭明閣內史畫梅

黃鶴樓中笛。青邱集外詩。鉤簾吹數點。卷袖出橫枝。石是飛來者。人疑夢見之。分明舞鸞匣。深淺掃眉時。

林下風因絮。春來月似烟。客歸歸燕後。筆落落花前。高士楊无咎。仙人謝自然。孤山香火社。有此一重緣。
題梧門先生三君詠後並寄

三君者謂秀水王曇仲瞿昭文孫原湘子瀟而謬以位附之。

祭酒善言情。以詩爲情室。祭酒善言詩。以情爲詩驛。辱寄三君詠。重煩兩客詰。詩係吳尚錦轉託邵叢寄至吳下。綢繆結心期。牽連作口實。孫綽旣爲冠。晉中興書於時才筆之士。綽爲之冠。王猛亦無匹。桓溫曰江東無卿比也。豈意西崑詩。舒雅得居一。四峴酬倡集錄雅一詩。鼎以足見分。鼓以腰見陟。不知鹿雌雄。不次石甲乙。但賦懷人篇。已具相士術。此事公猶龍。其間我乃蠹。相逢苦不多。相別苦太疾。在上或三已。在下亦三黜。湖山江海間。送三子者出。墜歡杳莫追。鄙事近可述。王君著高屐。讀書不讀律。孫君曳長裾。好竿不好瑟。我擁破被眠。夢中索還筆。余作破被圖。詩先生最爲激賞。萍蹤有聚散。蘭味無疏密。龍門開鴛鴦。流景照蓬蓽。失足墮青雲。舉頭見紅日。高情良服膺。遠夢時造鄰。努力送飛鴻。柳絲不可櫛。

陸杉石太守歸自雅州。余方移具禾中。旋有淮南之行。寄詩爲別。

唱斷驪駒過十年。阿蒙還似十年前。別離滋味中山酒。飄泊功名上水船。詩近杜陵懷舊雨。人來蜀道抵青天。東吳萬里重相訊。河塞金成各惘然。

劍南詩卷廣南裝。如此家風未可量。刀布手鈔循吏傳。烟霞肩壓舊奚囊。不妨邢尹如相避。便遂雲龍也太狂。卻趁扁舟渡江去。春來楊柳似人長。

泊舟菜花涇作

雙谿橋下暮揚舲。燈火樓臺一帶青。纔過北門風雨急。留人殘夢菜花涇。
夜寒猶戀老羊裘。三月烟花感浪遊。回首江南好春色。倒騎鶴背上揚州。

虎邱東山玉蘭已花。與桐門仲瞿過憇嘉賓上人禪院。記去秋山塘送別。正此數人是夜。還宿仲瞿寓樓感作。

又向東山廟裏來。夕陽人影廟門開。三春花事初啼鳥。半榻茶烟老辯才。隔歲秋波孤棹遠。渡江明月一簫催。從君百尺樓頭住。絕似生公舊講堂。

皋橋

金昌門外石欄邊。相問停橈感昔賢。童子炊烟因我熱。主人名姓以傭傳。連年米價春無廩。此地花時泊有船。記得五噫歌最好。情誰彈入第三弦。

癸亥花朝逢閏是日渡江抵揚州戲爲六言

花逢閏月重好。客在扁舟未還。酌此一江春水。祝他兩岸青山。
二十四風無恙。一百五日有奇。已過黃楊小劫。不負翠筩前期。
處士園中幡動。夫人詞下香生。預借一年甲子。再遲三日清明。嘉慶八年癸亥時憲書閏二月小十五日

庚辰丑初三刻七分清明。

得氣是壽者相。受生在色界天。管領文章烟月。消磨富貴神仙。

王鐵餅索題桐陰課兒第一圖

有子讀書萬事足。不必有書讀盡熟。若教一字不遺忘。直愁他日無書讀。姓字籠記可以休。曹蜍李志皆千秋。誤如河間更一適。解亦淵明不甚求。我倡此說無人和。鐵餅老矣兒猶課。讀萬卷書行萬里。巨浪奇文一齊破。不如歸倚舊桐陰。一喉雛鳳清於琴。但得清風有時至。桐花香壓書中字。

與林海珊同年話舊

漫山桃李渡江萍。失笑來看太白經。十里珠簾何處卷。一袍春草故人青。酸鹹味外詩難好。鼓吹聲中夢易醒。彈指廣寒宮外路。更無一箇見台星。去年同遊平山堂。

群河江上移營去。韋杜城南下第回。離別與君疑有約。飄零如我况無才。殘春隔水瓊花老。大夏連雲燕子來。卻怪林逋閒不過。也騎家鶴詠官梅。

修禊後一日與杜治甫汪經農遊平山堂卽送治甫還吳門

兩漿桃花水。春風撲面酣。品泉來第五。罰酒過初三。遊事催啼鳥。歸期看浴蠶。送君揚子渡。江北望江南。小住纔三日。閒遊隔一塵。夢猶羸杜牧。送亦有汪倫。鶴市濃催墨。託寄吳門故人書。鴛湖近卜鄰。治甫經農皆秀水人。西窗重翦燭。情話莫嫌頻。

平山堂雜題

歐蘇迢遞接漁洋。中隔元明一瓣香。若使詩翁都入社。不應遺漏孔東塘。三賢祠祀歐蘇兩文忠。及王文簡也。當時語云。王阮亭見壁題詩。孔東塘逢人分韻。妙品倪黃出自然。殘山賸水亦堪傳。分明界畫樓臺樣。金碧飄零直甚錢。兩岸園亭皆就傾圯。

占星天市隔三台。吆喝園林估販街。搖過城門雙漿澀。相逢狹路小秦淮。小秦淮水涸。

芍藥開時賽牡丹。居人豔指此花欄。豈知身是豐臺客。未必纔從此地看。吹簫乞食古風存。一笑看囊似少恩。誰寫虹橋修禊卷。故應留待鄭監門。丐者甚夥。殊減遊興。錦帆何事不思家。真箇垂楊有暮鴉。記得懷中留一刺。譬如來訪玉鈎斜。

戴金谿比部去年於放榜日。枉顧適僕他出。未遇尋南下。經歲實未嘗奉答也。風便附詩自認。

落花聲裏折楊枝。剛是高軒枉過時。春去逢人寬禮數。飢來驅我拙言辭。三生酒熟歌紅豆。孫子瀟紅豆圖。題者盈軸。惟比部與余爲七律四首用韻。不約而同。一夜鐙香記蕩絲。所作蕩絲鐙七言長律。尤爲此體絕構。還有揚州二分月。水精簾外更題詩。

紀閏二月二十日事

太史占祥久寂寥。每依北斗紫宮朝。客星夜臥猶書奏。况是青天犬吠堯。清塵敢犯屬車過。百萬神靈一刹那。不是嵇侯承賜姓。東廂誰縛莽何羅。詔書寬大出黃麻。萬戶千門洞一家。此量直包天地外。狂奴何苦學張差。

康山

腰鼓三百副。青山飛酒杯。香銷美人盡。風好狀元來。歌舞逢場戲。文章絕世才。幸然留姓去。橫占此樓臺。

書贈歐陽棣之

百書不如一見面。見又何如不相見。一回相見一鬚眉。惟有此心未嘗變。初逢在矮屋。破板抱春宿。癸丑與同號舍。再見從逆旅。泥塗嘯儔侶。壬戌相遇峒。晤道中。同抵清河逆旅。與王仲器。孫子。藩。席子。偏。各有詩倡和爲別。今又一年矣。中間相去恰十年。星辰旁落天左旋。老女當梁失昏禮。童子賃廡無炊烟。豆分萍合期末錯。一笑青春好樓閣。彳亍三更灞岸驢。氍毹兩箇揚州鶴。熱亦因人不成事。非由今日徐常侍。試問碧紗籠中人。何如銅爵臺上伎。君不見杜書記康狀元。都來此地相盤桓。洞簫腰鼓不知數。二十四橋三百年。復憶君家六一老居士。登堂平視江南山。與君今日相逢處。正是平山堂外路。

龔闇齋儀曹入都補官邂逅於淮南旅次就日來言論所及敘詩五首以當送行

贈言不欲諛。結交不欲密。諛與罵相等。密則疎可必。我行半天下。多得三友益。所遇士大夫。未嘗廢紙筆。立言抑其微。況乃抱吟膝。卽此酬酢間。欲慎豈無術。出處各有時。悲歡適相率。送君旁無人。私自捫一壺。本朝尙考据。其功邁前修。一變爲攻擊。刺刺不肯休。聚如盈庭訟。快如夙世仇。原註無完膚。本文若贅疣。自謂常有得。或更揚其流。分門別水火。入室操戈矛。返諸著書意。未必皆然不。古人疑闕如。無損大雅傳。今茲震於名。違心以搜求。蛩負驅驢喜。蟬捕螳螂愁。不惜豕三渡。忘記貉一邱。周公驕且吝。宜聖閉兩眸。

絳灌非伴侶。鞅鞅淮陰侯。

康成實窮經。溫公兼治史。成敗與利鈍。必有取乎此。班范良史才。輟筆昧厥旨。彼我更相笑。知人不知己。孟堅譏子長。蔚宗復誚孟堅。而三人之禍。愈後愈烈。蔡邕博載籍。雪涕報國士。嵇康才有餘。琴聲散東市。目雖不見睫。臂則可使指。所以三長中。惟識足貴耳。士無千載憂。必有一朝恥。恨不讀十年。免於穢穢子。挾策好縱橫。設書誚閭閻。執鞭亦三思。燒丹凡九轉。立之馬廄中。彼自與不淺。得頗未償失。狂乃不如狷。若復議感恩。子雲本連蹇。千金酬一飽。幸後致通顯。潦倒負前期。雖悔不可辨。馬見風而嘶。牛見月而喘。卽事別取舍。因時得舒卷。天池有怪物。志豈異鰕鱗。卒木偶逢場。之子自婉孌。

逃禪愛談禪。作一消遣法。語言文字中。佞者非某甲。毀必有所妒。譽必有所怯。祇此恆河沙。各具千億劫。寂滅出微妙。狡猾掩窮乏。思議不可存。矧又口喋喋。揚州好明月。寶鏡夜開匣。乘月送扁舟。春江綠如鴨。題蘇津山人詩稿後

詩稿五本。桐鄉馮鷺庭太史所藏。計漫堂草二卷。漁洋尙書朱筆評點。嘯雪集一卷。又漫堂草一卷。漁洋墨筆評點。述鹿軒近詩一卷。漁洋朱筆評點。論畫絕句一卷。漁洋墨筆評點。并跋竹垞檢討墨筆跋青門山人朱筆評并跋韋菴草一卷。竹垞墨筆評點。青門朱筆評點。皆有跋語。迎鑾集附滄浪亭近詩一卷。漁洋墨筆評點。清德堂詩一卷。漁洋朱筆評點。卷首列漁洋兩札。計二十番生紙寫。癸亥四月觀并記。

縣津山人詩五卷。漁洋山人書兩簡。長水青門左右之作者。心胸評者眼。當時旗鼓誰相匹。無過朱十王十一。商邱兼此師友資。况有嘉賓操不律。古人作事慮欲傳。朱出墨入皆精研。眼前肯放一二字。胸次已具三千年。精神意氣相久長。前輩風流後輩藏。不矜酬倡壓元白。但見商略塗丹黃。人間此本無第二。先生得一實具四。若教留配洞庭圖。更須響拓山陰字。太史方買別墅於查灣。忽得王獻爲沈南疑所作林屋山居圖。事最巧合。圖中首卽漁洋題句。而縣津竹垞之詩皆在焉。故附及之。借書還書同一癡。昨日讀書今讀詩。卽當明月吹簫夜。如向雷門打鼓時。

梅花嶺弔閩閩部

一寸樓臺誰保障。跋扈將軍弄權相。已聞北海收孔融。安取南樓開庾亮。天心所壞人不支。公於此時稱督師。豹皮自可留千載。馬革終難裹一屍。平生酒量浮於海。自到軍門惟飲水。一江鐵鎖不遮攔。十里珠簾盡更改。譬如一局殘棋收。公之生死與劫謀。死卽可見左光斗。生不願作洪承疇。東風吹上梅花嶺。還賸幾分明月影。狎客秋聲蟋蟀堂。君王故事胭脂井。中郎去世老兵悲。遷客還家史筆垂。事見池北偶談吹簫來唱招魂曲。拂蘚先看墮淚碑。

淮南折柳曲

僕以二月十二日來。今於四月初八日去。江北江南往還根觸。文衡山詩云。開船聽得吳歌起。絕似閩門送別時。此追憶從前也。李玉谿詩云。何當共翦西窗燭。卻話巴山夜雨時。此逆計未來也。

然往如破甑。來若藏鉤。惟現在境界。又如駒影鴻沙。更無捉摸。忽憶得陳迦陵絕句云。輕紅橋上立。逡巡淥水微波漸作鱗。手把柳絲無一語。十年春恨細如塵。一再誦之。殆忍俊不禁矣。

已過豆蔻梢。不入芍藥欄。但上梅花嶺。莫近茱萸灣。我薄淮南遊。了了悟三昧。月色苦不多。米價亦太貴。白雲先生術。紫薇舍人詩。癡人說殘夢。名將老偏師。隋苑水聲多。蜀岡山色少。水不禁閒鷗。山不禁飛鳥。口歌鐵綽板。手弄玉連環。賈胡到輒住。難組往復還。浮海或無桴。渡江猶有楫。暖翠圖中行。輕紅橋上立。已往豈足諫。未來難預知。一株兩株柳。千條萬條絲。江北又江南。鑿鑿皆可據。花生日而來。佛生日而去。買舟將去鐵餅復出課兒第二圖索題倚裝書此。

再欲題詩一字無。怱怱行李出江都。別君轉恨逢君晚。鬚鬢蒼於第一圖。

雨夜宿仲瞿白松閣適子瀟至相與話舊記去年在竟府時人景相同獨少子偏耳作詩懷之。卜居消息渡江船。來作松堂未了緣。三月烟花過四月。舊年風雨似今年。短篇長缺皆同調。北雪南雲總對眠。可惜美人隔明月。不來同住別離天。

仲瞿屬其內史雲門氏寫留待山居圖圖成索余爲記先題四絕句。華嚴樓閣指輕彈。一例烟雲過眼看。若作四千年後想。買山容易畫山難。胡盧舊樣餅虛名。兩姓荒莊笑耦耕。留得武陵源一記。花紅水綠太分明。不畫長眉畫遠山。螺烟粉本互增刪。書生心計佳人手。都在須彌芥子間。

便有柴門傍水開。田園勤灌樹親栽。笑他風雨催租者。不到三都賦裏來。

福田菴舊是尼舍。今爲超上人。方丈易稱芋香夜。與仲瞿攜善財。過訪遇雨飯訖。竝讀上人豔體詩。卽事。

色界迷離願海寬。雨聲猶滴舊蒲團。散花劫過三衣冷。食棗人來一樹酸。電火光陰愁路滑。石門文字與禪安。生憎名士招魂地。不放紅霞入夢看。地近唐子畏桃花墓田。

還是瀟瀟暮雨香。吳僧白紵唱吳娘。詩無宰相神仙字。禪入郎君弟子行。精潔廚中甘露灑。妙明鐙下緒風涼。不妨帶水拖泥去。要讀天花作道場。

官尹兼憲斌同守見題拙集余返櫂南湖未遑奉和頃再泊吳門相見於白松閣雨泥遲答先以兩詩呈謝

青衫一褶酒闌干。曾聽琵琶信手彈。百代光陰都是客。中年滋味再休官。鄉音到耳停橈問。詩卷關心出袖看。好在松陵酬倡集。不須西笑向長安。

巾月扁舟往復行。江湖殘夢棹歌聲。三更舊雨長相憶。一卷南風小太平。尹兼住小太平巷。賃廡人家忘主客。出門天氣礙陰晴。接離肯爲山公著。待我滄浪一濯纓。尹兼惠藤帽。

簡州刺史折獄篇爲宋霽若觀察作

公任簡州時有積案猾賊不畏嚴刑以不能得其實事乃於公案取錦箋十幅詩韻一部前列四

役旁侍一童。以訊賊事。賊無言。先作絕句二首。再訊之。賊無言。繼作五七律各一首。又訊之。賊無言。乃作短古一首。賊竟無言。更作長七古一首。朗誦不已。遂不復訊賊。時漏已三轉。役倦如醉。童倦如癡。而賊不覺泣下。自言賊不畏嚴。而畏清也。乃具言所事。丹陽陸炳赤南序。

威不必彌尾青。惠不必細箭五十束。人肝不代米。蒲鞭不示辱。圍棋破敵風。鶴驚文字參。禪野狐逐。事在簡州刺史夜治獄。獄亦久不服。刺史登堂來。盡取官紙然官燭。囚跪階。官仰屋。一硯一墨一筆禿。前列四役後一僕。囚意刺史當更厲聲鞠。不爾具三木。甌瓦鋪膝。檀擊足。如是刑罰惟所欲。彼能堅忍。況桎梏。亡何刺史詩興忽大發。十幅錦箋抽一幅。先爲絕句詩。定是偶然作。叶既成五七律。詩律細於法律。酷亦不識。刺史所作何題目。短歌未斷長歌續。事在心頭稿在腹。驀然開口吟絲竹。不如肉據案。疾書如判牘。詩成示囚。囚不能讀。爲囚作詩。囚乃大哭。具言其事。所以然。罪莫贖。誓不敢再反覆。刺史呼吏胥。取其所詞。一一錄。囚言畏清不畏嚴。清畏人知。况工吐屬。生不願包公一笑。黃河五百年。獨喜子路之諾。不信宿官鼓。擊雞雞喔喔。以詩詰囚。囚竟伏。借問何所似。有似燭照數計而龜卜。兩旁侍者倦欲眠。猶恨刺史詩不速。唐以詩取士。法吏文選熟。皋陶賡載歌。所問自然淑。身爲宰官身。彈琴尙嫌俗。身爲苦吟身。擊鉢則已覺。何似深宵吟得詩數篇。絕勝長日惟消棊一局。我歌簡州刺史宋。說本珥隣山人陸。輜軒可采。蠻貊可牧。君不見漢朝循吏若干人。第一文翁能化蜀。

題湘灘合稿後卽呈謁若觀察

先生宦境我遊蹤。前後身行萬里同。貪詠新詩燒燭竟。恍尋舊路裏糧重。諸賢繼作星如聚。作者凡五人。三世論交酒竝濃。是日觀察招飲。莫訝悲歌燕趙士。生來吳語自稱儂。

樓夜示仲瞿

瓦鐙青對竹簾黃。百尺苔亭萬卷長。簷角月高看較近。樹頭風靜聽尤涼。卜居誰買東西屋。情話難分上下牀。最好當軒種秋色。一層花事兩層香。
夢想吳王銷夏灣。浪花開過洞庭山。早從高閣常眠起。何必扁舟覓往還。可笑仙人同此好。不知吾輩幾時閒。爲他亞字闌干影。一帶疏窗未忍關。

樓上看雨作

烏雲接日日含雨。風掃青天雲不許。一鱗一爪雲中龍。雄雷雌雷相爾汝。雷聲不散雨不休。金蛇霍霍西南樓。我倚闌干看瀉水。失笑銷夏如防秋。瓦溝曲折盤銀虬。溼鴉衝烟浴野鷗。滄浪亭子橫看去。四林一綠春油油。今年江東雨太多。壁生苔蘚田生波。豈知糧船泊江北。漲沙乾斷西黃河。北人待米米船退。南人食米嫌米貴。天公作雨無了期。汝曹何不食肉糜。太倉一粒我何疚。努力加餐不濡味。譬如生及媧皇前。此天未補終須漏。願天移雨雨未雨。天若有情天亦瘦。詩成入夜轉瀟瀟。青鐙一點纔如豆。

戲東桐門

來是晴天去雨天。暫時離合也因緣。熟炊飯飯三升夢。溼颺茶鍾七椀烟。出巷泥深難著屐。進城水漲不

通船。宵門只隔閭門路。費卻先生屨轡錢。
看來天氣未能晴。揜坐高樓聽雨聲。沽酒有錢難獨醉。出門無伴可同行。私書魚尾人千里。官鼓牛皮夜五更。忽漫開窗雲似墨。一詩頭上又催成。

田六尺和宋觀察

原詩序云。曾慥懷太子妃王進賢。遭石勒亂。掠渡孟津。勒逼之。怒罵不辱。投水死。田六尺。妃之婢也。曰。大既如此。小亦宜然。亦赴水死。人競傳綠珠節矣。顧不及妃與六尺。何不幸也。故表出之。
人生一死無再死。當死而死適然耳。未死之前無死理。既死之後不死矣。嗚呼。生死有如此。何況田六尺。眇子一女子。上東門邊嘯一雛。司馬家兒執戟奴。塵尾不擊賊。著高屐者歸而逋。田六尺。何爲乎。六尺女子勝七尺丈夫。孟津渡。凡幾曲。賊騎來。婢子哭。一聲河滿雙淚流。婢學夫人萬事足。黃河之水不敢濁。君不見馮小憐。灣頭請上琵琶弦。琵琶彈得春風改。可憐四條弦。不及一條水。

題宋觀察竹梧清嘯圖

書畫詩稱三絕。仙佛儒兼一身。當日尙爲循吏。後來無此才人。
門第三吳最舊。簪裾七葉猶隆。系表盛唐宰相。註經先鄭司農。尊甫司農公著易讀一書。采入欽定四庫全書提要。

此卷是誰所作。竹梧清嘯依然。傾倒一時老宿。想見三河少年。此卷作於觀察年十七時。今甲子一周矣。

圖爲沈歸愚尙書題名。翁覃谿學士作跋。凡乾隆以來名流詩詞皆在焉。

屏風寫白太傅團扇畫陸放翁跳出凌烟閣外。如入山陰道中。

梅道人畫竹卷子真蹟爲尹兼題

一直復一曲。不畫梅畫竹。一節復一片。不畫紙畫絹。豁飭一徑清飈來。籀龍夜半驚春雷。低昂向背各有意。纖穠修短俱無猜。畫工化工互消息。草聖草賢作鉤勒。縱有此畫無此書。縱有此筆無此墨。君今何處得此君。一枝一葉一字真。朝看竹色夜竹影。雨細風斜月華冷。幸不喚軍中十萬夫。被人笑道樊川籬。亦不願渭濱一千畝。依舊清貧饒太守。更不作柯亭十六椽。但得似蕭郎十五竿。黃岡樓上熏香坐。翠袖風前倚醉看。

驛柳四首和韻

兩邊官柳重行行。不解人情解世情。自可折腰傳急遞。幾人留眼送歸程。雪來小雅詩無敵。人去陽關酒有聲。爭似六橋春事早。浪烟慘綠曉鶯迎。絲無情緒絮無根。尉候年年渴驥奔。黃土三家茆葉店。青旗一面杏花村。疾看露布差強意。冷聽霜鐘合斷魂。曾向靈和眠起慣。爲誰辛苦忽當門。消磨帽影與鞭絲。失馬亡羊感路歧。天氣漸逢搖落候。人生強半別離時。僧疑桑下過三宿。客散門前賦十離。賸有屯田歌井水。月殘風曉最相思。